



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

57. De decem virginibus.

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

Tenebrarum. *brarum*, quod visionis Dei clara luce privabitur, & iudicii lumen in illo tenebrescet: sed & corporeæ tenebræ offundentur, quando ignis ille infernalis uret, sed minimè lucebit. 4.

4. Fletus. *Ibi erit fletus & stridor dentium*: flebit, quia tanti boni iacturam fecit, & crucians malum, lachrymas exprimet irremediabiles.

MEDITATIO LVII.

De decem Virginibus. Matth. 23.

PUNCTUM PRIMUM.

Fatui qui.

IN Ecclesia sunt boni & mali, prudentes & insipientes, & utriusque adventum Christi sponsi expectant, ad nuptias cum Ecclesia triumphante celebrandas. Fatuis similes sunt, qui lampades habent, sed non oleum, ad fovendum lumen. Veritates fidei tenent, sed non charitatem, lucent exterius per opera quaedam, sed interna virtute carent: sunt integri corpore, sed non spiritu; profitentur perfectionem, à qua longè fatui absunt. Quidni stultus sit, qui iudicem omnia pervidentem, & præsertim interna requirentem non aliter paratus expectat? contraria omnia faciunt prudentes.

PUNCTUM II.

Moram facit spon-
zam fa-
cit spon-
sus.

Moram faciente sponso, dormitaverunt omnes & dormierunt. Mora fit, quia boni & mali ferè sibi persuadent longiorem vitam, & ut

& ut David loquitur, *annos æternos in mente habent.* Unde boni remissiùs vivunt, & mali peccant liberùs, quod est dormire: *Surge, qui dormis, & illuminabit te Christus.*

ps. 76. 6.

Eph. 5.

14.

Dormire
quid ?

Item dormitio vocari potest ægritudo, aut senectus, aut alia causa disponens ad mortem, cujus imago quædam est ipse somnus. Privat enim usu delectabilium, ut mors, & quamvis repellatur, tandem obruit vigilantem. Cùm me ad somnum compono, mortis memoriam revocabo.

Media autem nocte clamor fit: Ecce sponsus venit, exite obviam ei. Cùm minimè cogitatur, ex improvise: proinde hanc vocem insonare auribus meis assiduè curabo. Venit autem ut sponsus prudentibus, at stultis ut iudex. Eandem vocem audire mihi videor, cùm ad sacram communionem accedo.

Judici-
um re-
pentini.

PUNCTUM III.

A Adventus sponsi. *Tunc surrexerunt omnes virgines illæ in adventum sponsi, & quasi ex somno gravi experrectæ circumspicient seip-
sas, & lampades suas, quas stultæ deprehendent inconcinneas, ad occurrendum sponso, & serò de oleo cogitabunt, cùmque irratione mittentur ad vendentes, qui nulli ibi erunt, quando omnis sublata erit auxilii occasio. Ergo nunc mihi prospiciam.*

Stultitia
peccato-
rum.

At prudentes paratæ occurrent. O quàm sibi gratulabuntur! quanta gestient lætitià à visio-

Justorū
exulta-
tio.

ne clara sponsi, à complexu & osculo beatificæ charitatis, à deliciis mensæ illius, Tunc lampas cujusque lucebit centupliciter, à lumine vultûs sponsi. Et flammæ emittet sincerissimæ charitatis, redundante oleo divinæ consolationis, sine metu, & absque periculo extinctionis in æternum.

PUNCTUM IV.

Clausa
janua.

Clausa est janua, tum prudentibus, quæ nunquam ab illa felicitate excidere poterunt, tum fatuis, quibus nunquam patebit ingressus, objecto illo quasi pessulo inviolabili: *Nescio vos.* Conclusio parabolæ est: *Vigilate itaque, quia nescitis diem neque horam.*

Vigilate

MEDITATIO LVIII.

De Talentis. Matth. 25. Luc. 19.

PUNCTUM PRIMUM.

Talenta
quinque

- 1.
- 2.
- 3.
- 4.
- 5.

Quæ sunt ista talenta? 1. bona naturæ tam corporis, quàm animæ. 2. bona externa, & acquisita, ut scientiæ officia, honores. 3. propria Fidelium, sed communia cum malis, ut fides, spes, jus Sacramentorum. 4. propria iustorum, Charitas & dona quibus negotiantur, & merentur sibi incrementum gloriæ. 5. gratis data, pro ædificatione Ecclesiæ, & animarum salute promovenda.

Da-